

---

## OBAVJEŠTENJE O PRIVREMENIM MJERAMA ZA UBLAŽAVANJE POSLJEDICA POPLAVA I KLIZIŠTA

Agencija za bankarstvo Federacije Bosne i Hercegovine je dana 08.10.2024. godine donijela Odluku o posebnim mjerama koje lizing društvo i mikrokreditna organizacija primjenjuju u vanrednim okolnostima - poplave iz oktobra/listopada 2024. godine koja je objavljena u Službenim novinama Federacije BiH broj 79/24 dana 09.10.2024. godine.

MKD FinCredit doo Banja Luka primjenjuje navedenu Odluku Agencije za bankarstvo FBiH, a cilj nam je da kroz uzajamnu saradnju sa klijentima iz poplavama zahvaćenih područja kojima je pomoć neophodna, pronađemo odgovarajuće rješenje i olakšamo im da u narednom periodu uredno izmiruju svoje obaveze, a cijeneći povjerenje koje su nam ukazali poslujući sa nama.

Posebne mjere su privremenog karaktera i odnose se na pružanje mogućnosti odgode plaćanja kreditnih obaveza, reprogramiranja kreditnih obaveza ili druge slične kreditne olakšice sa ciljem olakšavanja izmirivanja kreditnih obaveza i održavanja poslovanja samo klijenata koji su direktno ili indirektno pogođeni negativnim posljedicama vanrednih okolnosti.

Privremene mjere koje mogu biti ponuđene klijentima su:

- moratorij, odnosno odgodu u otplati obaveza, uz obustavljanje obračuna kamata i dodatnih naknada na iznos obaveza za vrijeme trajanja moratorija,
- uvođenje "grace" perioda za otplatu obaveza u slučaju obaveze koja se otplaćuje anuitetno na period od najduže 12 mjeseci,
- produženje krajnjeg roka za otplatu obaveza koje se otplaćuju anuitetno,
- produženje roka dospijeca obaveze sa jednokratnim dospijecom na period od najduže 6 mjeseci,
- odobravanje dodatnog iznosa izloženosti za potrebe prevazilaženja njegovih trenutnih poteškoća sa likvidnošću
- prilagođavanje plana otplate srazmjerno smanjenju prihoda ili nekom drugom relevantnom parametru koji određuje MKD.
- druge mjere koje MKD preduzima u cilju olakšanja servisiranja obaveza klijenta, oporavka i uspostave održivog poslovanja klijenta.

Prilikom ugovaranja posebnih mjera, MKD FinCredit neće naplaćivati dodatne naknade za izvršene usluge, pri čemu efektivna kamatna stopa za modificovane izloženosti ne može biti veća nego što je definisano već postojećim ugovorom.

Klijenti koji su pogođeni vanrednim okolnostima mogu podnijeti zahtjev za odobravanje posebnih mjera najkasnije do 09.12.2024. godine. Obaveza klijenta je da priloži odgovarajuću dokumentaciju kojom dokazuje da su mu izvori za otplatu smanjeni čime mu je onemogućeno ili će biti onemogućeno izmirivanje obaveza.

Klijenti zahtjev mogu predati u najbližoj poslovnici, nakon čega kreditni službenik pokreće proceduru obrade i odobrenja na uobičajen način definisan Kreditnim procedurama. MKD FinCredit će klijenta u najkraćem mogućem roku obavijestiti o rezultatima zahtjeva.

Uslovi iz ovog obavještenja stupaju na snagu danom objavljivanja, a ostaju na snazi do opoziva istog. Za sve dodatne informacije, molimo vas da se obratite najbližoj poslovnici MKD FinCredit doo Banja Luka.

